

## Gabensis Redi long Sinot

Written by Warime Gutti

Tuesday, 06 January 2009 00:00 -

---

By Harry Awa (UPNG)

Insait long Yabim District ol ples long wanwan seket i redim kaikai samting na long Wampar Seket 'Gabensis tu i redi'. Makim maus man na sinot komiti long ples Gabensis insait long Wampar Seket Mr. Isiah Saeng i tok. Em i tok

moni mak bilong

olgeta samting

i klostu bungim K10 000. Mr. Saeng i amamas long ol arapela sista sios olsem Foursquare, Baptis, Sevende na Luteran Riniwol. Ol i halivim long gaden kaikai tu na insait long pasin bilong bilas na singsing. Sande skul kodineta bilong Luteran Riniwol, Mr. Robert Elastus i tok dispela kain pasin em i -Pes taim long kamap insait long histri bilong Gabensis long ol sista sios long givim han na sapot olsem. Na tu Musik kodineta bilong foskue sios Mr. Billy Ipin imekim wankain tok. Ol i tok "nau em sios i mas lusim ol kain politiks na banis buruk insait long ol yet na wokbung wantaim long kirapim Kingdom bilong God tasol.

Bikpela amamas i kamap namel long olgeta sios bilong wanem dispela sinot i kirapim pasin bilong wokbung wantaim insait long ples Gabensis. Gabensis i bringim kaikai na ol kontribusen bilong ol i kam long Sarere. Redi -bilong dispela wok em i kamap yet long mun Oktoba yet ikam inap long Fraide ol manmeri i paitim garamut na i singsing inap tulait buruk long moning. Nius ripota i witesim taim em igo long ples. Maski san i hot tasol ol manmeri i singsing na wet tasol long kar inap long belo na ol manmeri i soim bikpela amamas i go bikpela tru. Gebensis bai i lukautim 8-pela distrik olgeta i kam long sinot. Dispela ol distrik em: Ukata, Madang, NGI, Papua, Simbu, Jiwaka, Hagen na Boana distriks.